



順適堂吟藁前集

笠澤葉茵景文



古意

悠悠澗邊人  
澗中水  
水流無返時  
人生流水耳

偶成

春陰晴復陰  
因物悟浮生  
杜宇鄉心重  
楊花世事輕  
知非蘧伯玉  
覺是晉淵明  
此意誰人會  
騎牛訪偶耕

蘓隄

南北山圍翡翠隄，邊綠漲軟琉璃。參差臺榭  
無餘地，襟逕輪蹄了四時。楊柳又多前日樹，梅  
花祇少近人詩。停篙不看春風面，閒伴漁翁理  
釣絲。

野望

白水公隄護綠苗，雞鳴犬卧柳邊橋。數家雖不  
成村落，一夢何曾到市朝。

次潘紫巖虎丘韻

潭深劍氣銑樹瘦，嵐光薄石壇古。即今藤花開  
又落，晉士已結廬。吳市猶舞鶴，沉吟發幽懷。人

世舟藏壑

別韓菊山

結廬甫里隣，顧瞻誰與遊。掩荆樂魚鳥，握管成  
樵謳。有客賞茲趣，柳下時停舟。自締十年契，投  
簪不願侯。一朝過我別，匪伊趨東州。敢問何為  
爾，讀書松竹幽。輦母遠之官，謾作升斗謀。執手  
話勞役，揮杯忘獻酬。離懷聿云悲，重來如此不  
何當羽厥身，千里雲悠悠。上下相追逐，赤城少  
延留。其中有玉人，而可為我儔。此志不可得，迢  
迢水東流。載言涉征途，脩暑氣道衿絺。自金

玉脂車裹糧餽我將植佳菊長對南山秋  
曲水流觴以下十詠題水竹墅

蘭亭飲者徒因物寓天理着眼靜中觀坎止流  
行耳

峭壁寒潭

百丈崖懸立一泓流綠漪品題無好語摹寫冷  
泉詩

安樂窩

受用十二時不離方寸地門外自風波行之以  
無事

野堂

風來無市聲景物占深靜鷗狎堂上翁時來點  
天鏡

竹風水月

造物無盡藏散在林泉中結亭相周旋人與萬  
境空

廣寒世界

鼻祖舊遊地留得老桂香有能培植之此香傳  
諸郎

盟鷗

同此江湖心有盟非知己我亦畏機人莫入驚  
波裏

策驢風雪中東君獻詩料花驚非故吾聊復索  
花笑

賞心橋  
沿隄過竹所履聲驚龜魚人生適意耳何必駟  
馬車

尋源橋  
躑躅水窮處雞犬非人間褰裳不用涉迤邐逃

### 秦山

愛閒亭僧舍

苔深雨徑寒花落迳爛斑此處無名利誰人肯  
往還性慵碁局廢坐久茗甌閒禪觀非難事休  
官學住山

江湖偉觀

此地舊寒碧留題護竹君惚虛不礙月壁老易  
生雲一水東西隔兩山南北分未堪低着眼世  
事正紛

何氏書堂

晉何楷讀書之地因名何山

千歲松陰護一亭風來猶帶讀書聲雖無芳史  
摹勲業自有青山說姓名客撫豐碑苔剝落春  
歸暗徑草生成幾年訪古謀清隱好借虛簷著  
短檠

天平山謁范文正祠登白雲亭

為謁先儒馬鬣瑩倚藤得：上天平直疑寺外  
峻嶒石猶是胷中數萬兵松障四開心目快山  
泉一軟骨毛清坐間恰動思親念隱：白雲何  
處生

次林和靖先生梅韻

世上群芳未敢妍獨將春色占南園生來清質  
十分瘦肯受紅塵一點昏東閣詩成應動興西  
湖仙去謾招魂便須結客陪花笑勾引幽香入  
酒尊

蟠松靈巖寺草堂之前舊有蟠松尤古

一晦清陰覆客衣相逢疑是草堂時隱然錯節  
盤根勢欠者昂霄聳壑姿天遣蟄龍蟠石窟人  
攀巢鶻俯霜枝百年培植今誰屬何待歲寒然  
後知松本潘氏之物今歸於鄭

寄所思

浙：竹下風活：橋畔水蕭：掩柴荆去：隱  
君子夙夜勞我思之德洵且美瞻彼南山阿有  
桂蕝叢葢奮手折其榮懷袖香盈只願為靈鶴  
飛遞聲入君耳

春去

幾陣紅侵野草一團綠染庭槐夢裏未知春去  
翩：胡蝶飛來

歸途

春來天氣半陰晴那更奔馳一月程又恐花時  
成草：還家插柳佐清明

山行

青山不識我姓氏我亦不識青山名飛來白鳥  
似相識對我對山三兩聲

次出郊韻

支藤乘興入春郊梅壓踈籬亞竹梢剩喜此行  
詩有料吟來渾不費推敲

生日口占

舉室相先起五更為翁誕日壽金觥癡兒未識  
翁年甲五十年前今夜生時五十一

酒邊次趙東閣韻

竹褪粉痕新銷磨九十春中年真率性上古太  
平人有夢詩將聖無愁酒不神靜看紅紫路翻  
覆幾回程

友人自淮至

別子若為久於心終不忘一杯評舊雨兩髯對  
新霜客裏春行早愁邊夜坐長明時成擯棄無  
語及淮鄉

雪城

愛向其中艤短篷眼前景物總玲瓏神仙窟宅  
垂楊裏圖書溪山落照中甚是繁華輸俠少也

須幽勝屬衰翁世間風月無如此賣鶴來謀地  
一弓

次中秋不見月韻

五分秋色到銀河應是蟾蜍浴細波握手相期  
千里共舉頭無奈片雲何愁邊幸自逢歡伯清  
處何須着艷娥未可來宵倦遊賞光輝依舊向  
人多

雨中梅

鈴璆竹外枝啼粧凌曉霰東王不主盟對人作  
此面



即事

竹暗筍無數江晴水有痕田蛙喧麥隴野犬卧  
柴門

過溪

筍輿軋亂山中籬落桃花潑眼紅小駐渡頭  
呼艇子一溪淺綠漾晴風

白髮

半世持竿笠澤濱鬢邊留得幾莖春近來白髮  
無公道暗把黑頭饒貴人

泊舟溪口

萬柳陰中繫客船桑條如竹葉如錢大姑小婦  
挑甘齋握手烏兒正二眠

賦順適堂取少陵洗然順所適之句

暗觸少陵機茅居峙竹扉安時貧亦樂聞道詠  
而歸鳧鶴從長短鳶魚自躍飛吾猶臧穀耳夷  
跖是耶非

除夜立春

別歲傳佳話論文憶舊盟黃柑凝臘釀爆竹帶  
春聲節序有終始兒童爭送迎此身強健在列  
炬到天明

踈影幾黃昏明：野水濱未風先信息無雪更  
精神一白見真色萬紅隨後塵自來花下飲肺  
腑盡生春

晉子生日

今朝阿晉紀桑弧卽罷持杯勉讀書斷莫繞家  
覓梨栗更須為國習耘鋤義方授汝心還愧陰  
德於予計肯踈學取老萊如許壽年：綵袖拜  
庭除

自和

壯士須張燕角孤男兒須誦聖人書譬如田叟  
祈多稼未有春時不荷鋤分內功名從早晚腹  
中學問怕空踈老夫猶記昌黎語潢潦朝盈夕  
已除

又有感

一鴈雲間落勁孤經秋不見寄來書人情自昔  
如翻紙世道從今甚借鉏鹿夢隍中知得喪爵  
羅門外看親踈歲寒獨有梅花月香影年：到  
戶除

別可山

松江之左可漁可農古樹陰：碧波溶：子契  
予好携家而從載笑載語乃棹輕蓬冥訪前脩  
天隨室邇中心孔嘉爰居爰止有薰自南景物  
清美槐柳於前煩歎潜弭我有旨酒與子酌之  
既醉且舞且歌而詩陶然樂只厥情怡：一日  
舍去豈不念茲客懷先秋與言欲別屢止屢辭  
行計已决送子于舟期我乎雪敬我前邁于時  
炎熱惆悵若失延佇長津復面猶賒奈何夕晨  
豈無他友白首如新念子實繁融：天真北山  
有梅南山有雲下有猿鶴中有隱君千里命駕

余敢不歷乃志必獲載歌斯文

止庵

驛路施茶

時事艱難路險巖得來名利亦何為趙州茶罷  
速歸去莫待鐘鳴漏盡時

讀釣臺集

萬仞山頭放一絲爭吟好句記當時能詩若不  
能垂釣祇恐先生不受詩

遊西洞庭山

漫遊三十載屐齒暈蒼苔兩地無多里一生能  
幾回洞深龍未蟄丹熟竈無灰已覺忘身世松

稍有鶴來

三山行

未了行春債因哦遣興詩寒多啼鳥喋路滑蹇  
驢遲久雨紅辭樹深林綠授枝驚心哀朽日容  
易過花時

入山

到來非俗境一片隱心生曉霧沉山色春禽和  
水聲逢人多古貌對語率真情同在無懷世爐

熏谷聖明

余亦不蟬

柳外聲殘日未殘棲身未穩擇枝安不須過有  
螳螂慮黃雀從傍冷眼看

螢

自明自滅度方池熠々飛來去覺遲入坐點衣  
情分熟納交元在讀書時

蝥

壁間吟不待秋時吟苦中宵動客悲勸汝不須  
催婦織家々五月賣新絲

酷暑

動息汗流珠無風可滌除炎威獄下吏生意鼎

中魚席地杯水水扃門謝客車因思遊宦者曾  
未憶家居

秋至

節序暗催移清商漸戒期旅懷蚤早計涼信柳  
先知萬事到雙鬢餘生消幾詩最憐梁上燕巢  
穩又歸時

苦雨

農事正紛天時異所聞舉頭方見日翻手又  
為雲茅舍蛙分部槐庭蟻失群裁成憂國疏齋  
沐告吾君

出郊

多謝天公佐好晴只今載酒作郊行飛花戀客  
閒中意遠笛迎春景外聲已把物情歸幻相且  
將足力趁浮生南堂辦得休計燕雀充庭亦  
賀成

謝朱宜中隸字

隸法如公有典刑拙中藏巧混天成因觀體製  
超前輩旋闢軒牕乞扁名氣象晉人適且勁源  
流漢刻古而清得來喜對兒曹語一字千金勝  
滿籛

鱸膾

圍、洞庭陰西風苦不情墮罾雲葉亂落丹雪  
花明列俎移桃菊香壘搗桂橙四腮傳雅詠巨  
口竊嘉名誤上仙翁釣羞陪虜使鮓甘腴殊<sub>肌</sub>機  
肉鮮脆厭侯鯖銀鯽將同調絲蓴久共盟祇緣  
香味重自覺宦情輕風度偏宜酒頭顱尚可羨  
謫仙空汗漫何處膾長鯨

竹夫人

風神林下秀寵數夢中新假使不如肉爭知見  
似人茗奴甘謝事黃嬾喜論親凜、百年操從

教進退頻

王夫人神情散朗有林下風氣晉傳

城下小菴

水綠城詰曲水際暗桑麻籬落深村路間闌處  
士家烟篁黏半籜風柳颺輕花隨喜跣趺坐香  
寒月影斜

棹雪

放船中流天糢糊浙、霎、鳴菱蘆萬頃剎那  
成玉壺柔艣蕩漾歌吳飲老漁直前相招呼骨  
相子猷洵且都其人豈是斯人徒相顧而笑掀  
虬鬚汝為汝子吾非吾剡溪風景今何如誰能

為人作畫圖予方奮臂持竿獨釣於江湖

壽藏十韻

門限何須鐵因為淺近謀假令長富貴消得幾  
春秋壽固緣心地人誰肯首丘未能忘後慮是  
亦慕前脩蘭室名猶在魚山志可求迴岡許埋  
骨吉兆協眠牛懶作化臺號何妨引客遊不愁  
飽螻蟻最喜近松楸物變終於盡吾生行且依

年：春色裏洗勺聽溪流

渾水燕談王樵自  
歸贅世翁預卜為

竅名蘭室曹植登魚山有終焉之嘆遂  
營為墓唐史姚崇孫勗自為壽藏於萬  
安山劉士為臺曰化臺唐司空圖預為  
塚棺引客遊壙中賦詩酌酒

上為鳥為食在下為螻蟻食

田父吟

去年積潦苦無收今歲逢人說有秋未擬香杭  
供一飽糝：新藁蓋簷頭

又

夜登車桁晝耘秧怕說風傷與水傷歷盡艱辛  
雙鬢白今秋方覺稻花香

又

老天應是念農夫萬頃黃雲着地鋪有穀未為  
兒女計半償私債半官租

又  
記得年時竈不烟土倉今番遶門邊已占此後  
無憂色綠遍村前菜麥田

又  
逢三社鼓佐農年酒熟那逢釀雪天擘橘煮雞  
償一醉布衾烘暖抱孫眠

林可山至

梅花山底伴雲閒謾逐閒雲出故山君慰我思  
君莫去一詩先遣白雲還

雜興

兀：北牕下嘈：林間鳴聲各奏小大諒亦隨  
其形倏然氣蕭烈一夕俱沉冥試語塵中士細  
聽秋蟲聲

又

七十云古稀予年三之二來景殊無多那復就  
枯瘁窘步驚畏途無心慨時事何以怡餘生一  
日委一醉

順適堂吟藁前集



順適堂吟藁前集

日去一編

林華茂也蒿異立無公淵律事同公詩編卷一  
又十云古林言平三二二卷景初無多惟對

順適堂吟藁續集

垂虹亭

東西耕釣窟左右利名津倚遍闌干曲知機有

幾人

古一原鱸鄉道院

田可耕予圃可蔬幾年夢不到亨衢山林受用  
琴書鶴天地交遊風月吾事變無涯人老矣死  
生有命汝知乎客來時復一杯酒畫作鱸鄉醉

隱園

送徐兄訪陳宰人不游散即林野不蘇

投老持竿柳外邨尺書久不抵脩門料應下榻  
從容日自說通家好子孫

舍棹入山村山深樹自繁短歌田舍樂長揖野  
人尊苔老雲生石松高月闌門不聞名利語太  
古一乾坤

蕭湘八景圖

平沙鴈落

江風飄塵白如練征輸遠赴蘆花岸寒霧昏  
漁火明欲飛不飛行陣亂相從萬里多崎嶇呼

鳴警察夜有奴衡陽路杳速歸去未可容易來

江湖

遠浦歸帆

水天冥冥日催暮輕蒲飽風疾飛羽回頭遙指  
舟前灣浪急篷歌下柔艚稠楊枯桑深處村老  
妻挾兒環在門萼羹香滑茅柴熟對語別時應  
斷魂

山市晴嵐

巖麓新霽浮紫烟幾家雞犬喧一鴈懂人得  
蠅頭利不了青帘酤酒錢松陰散亂日易暝風

光漸入牛羊徑  
頽肩赤脚分途歸  
野唱樵歌動  
幽聽

### 江天暮雪

癡雲貼水天四垂  
寒鴉凍雀無樹棲  
紛：萬頃  
水花亂光眩銀海  
迷東西中有輕舸  
移斷浦玉笠瓊簑  
一漁父鼓柁而歌  
：豐年田家有麥無  
愁苦

### 洞庭秋月

長波渺：七百里  
蒹葭颯：西風起  
玉輪輾出琉璃宮  
碧落空明無表裏  
幾峰森列青崔嵬  
不

知人世皆塵埃  
夜深絲竹遞清響  
疑是楚王曾歸來

### 瀟湘夜雨

雲氣浮江天已夕  
江樹號風飛雨迫  
淒涼正則賦懷沙  
疑與漁翁分半席  
一聲欸乃隔中流  
打蓬浙霎添旅愁  
土膏動脉晚色媚  
農將有事于西疇

劉言史瀟湘時間歌暖乃深峽裏

### 烟寺晚鐘

冥濛一抹籠崢嶸  
崢嶸深處傳踈鐘  
聲溪橫古槎低欲折  
隱約前村通去程  
萬里征夫不知宿

數盡飛鴉栖古木  
輪與中邊三四僧  
枯藤挑雲歸佛屋

漁村夕照

家：傍水開柴扉  
綠楊影裏沉斜暉  
妻炊黃粱子掛網  
獨枕莓苔眠釣磯  
得魚博錢平生志  
世間寵辱不能累  
路近桃源多喬孫  
定知秦晉興亡事

古意

逝波不可迴  
白鳥不可馴  
古人成感慨  
今人猶古人

又

境空納風月  
心遠辭埃塵  
終日窮目力  
得景亡天真

次韻

生涯老布衾  
清處更清吟  
舊事即新夢  
今人非古心意  
行雙謝屐道  
在一陶琴誰解  
無名利其  
中有淺深

次池亭韻

憑虛結草亭  
占得古來清  
睡債茶驅遣  
詩情酒發明  
梅撐拳石瘦  
蘆障一闌平  
未盡消遙意  
重

尋枕簟盟

秀實長子玉麟暮醉

門左蓬弧喜事新四朝先佛慶生辰

峙頭玉表：曰名繫角麟鼻祖同庚光後葉卯

君著瑞定前身我來摩頂為兒壽一歲從今百

歲春

琉璃砲燈有魚

體製先天太極圖燈籠真是水晶無遠看玉兔

光中魄近得驪龍領下珠一焰空明疑火燧寸

波靜定即水壺游魚且作沉潛計鱗甲成時入

五湖

張中庶知洋州人號水晶燈籠

幼弟墓下庵扁看雲用少陵句

春到棗無色風來松亦悲細看雲起處不復鴈

歸時憶汝九京隔嗟予兩鬢衰寥：今古意獨

許杜陵知

楚愴埋香地卿須念藁砧齊眉中道訣同穴百

年心刀尺凝餘澤松梧帶老陰可能如饁婦相

對白頭吟

次孫花翁韻

湖海幾經年論交豈偶然坐間尊島佛客裏識  
坡仙解使狂心服還羞懶腹便拈來唐句法玄  
入小乘禪

范蠡 吳江三高祠

越敢吞吳皆范子後來廟食太湖濱邦人豈是  
忘仇怨要勉吳臣似越臣

張翰

膾鱸元不動鄉思拂袖西風已見機江上如今  
來往客但言鱸膾不言歸

陸龜蒙

江湖蕭散樂平生夜課圖書日課耕一段高風  
猶凜 逢人肯說鴨呼名

文公談苑謂相傳陸龜蒙多智數狡獪有  
內養自長安使杭舟出舍下童奴驅群鴨  
出內養禪其一折頰龜蒙遽從舍出大呼  
云此綠頭鴨有異名善人言適將獻狀本  
州貢天子今持此死鴨以詣官帛遺之龜  
宮禁不知外事甚驚駭厚以金帛遺之龜  
蒙乃止曰徐龜蒙曰此鴨何言龜蒙曰  
自呼其名巧捷多類此予嘗觀其傳誦曰  
文矣龜蒙字魯望居甫里著吳興實錄四  
十卷筆品茶評水不與流俗交升舟則蓬  
畚書筆林釣具往來江湖間謂江則蓬席  
東書筆林釣具往來江湖間謂江則蓬席  
或號天隨子甫里先生自比涪翁漁父所  
上丈人清風素節凜生千古疑談苑所  
荒僻之過况予所居東去驛程猶有數十里

使者無由過之自武宗至昭宗凡六十三  
載未嘗遣內養使杭州揆之地理考之唐  
紀信其為誣豈談苑別有所據云

欲別

欲別哽無語  
蘸酒評歸期  
潮汐有朝莫  
郎心無轉移

次韻

懶作千年調  
偷閒得幾回  
吟壇元不峻  
俗駕可曾來  
蘇碧墻陰合  
榴紅屋角開  
枕肱真樂在  
飲水當傳杯

夜坐偶成

尊鱸江上鄉  
穩處着虛堂  
却掃百念息  
貪吟萬景忙  
螢流風戶牖  
蛙鬧雨池塘  
夢熟田家事  
牛衣趁蒔秧

次月蝕韻

起來搔首夜  
如何瞥見蝦  
蟄影裏過幸  
自十分懸素魄  
豈應一息駐  
妖魔光清於  
水塵難澤色  
自如圭玷可  
磨休誦玉川  
艱險句終篇  
比興為元和

次吊屈原韻

為憐舉世不  
曾醒放浪形  
骸澤畔行會  
得危言

危行意佐成濯足濯纓名義無可去緣同姓心  
亦何求要獨清今日龍舟雖古意吳人未必楚  
人情

笑靨花

簇、瓊瑤屑花神點綴工似知吟興動滿面是

春風

涵空閣

靈巖寺

浪說涵空未是空一闌羅列幾龍從世人若問  
空中景此景從來是夢中

草堂

幾年蝸蚓占山扉喚轉風光似舊時從此禪門  
多事在篆香重課少陵詩

琴堂

片石隣空掌樣平吳兒曾此御瑤琴、中腔調  
誰人識獨有顰妃是賞音

洗粧池

離宮脂粉尚停香人去僧來歲月長鐘磬咒成  
功德水根塵洗盡水清涼

卓筆峰

天平寺

疑是飛來天柱峯一尖秀出白雲中料應宰相



書成後留得殘毫倚半空

一片峰

十丈蒼珪似削齊摩掌信是古來碑不刊二范  
忠勞績合寫諸賢唱詠詩

頭陀巖

舊說頭陀坐石巔披肩壞衲不知年空巖稱得  
頭陀號啼鳥枯松也解禪

一線泉

銀潢萬丈下嵯峨想是天孫掛玉梭休道此泉  
絲樣小涓涓將見作江湖

次韻

時清歎陸沉楚澤伴漁吟探索聖賢語發明天  
地心無機棊少着有趣樹多陰坐上皆知已賡  
酬夜向深

春晚

紅紫雨離披風光別壯時世情楊絮覺心事杜  
鵲知屋角溪連井林梢菊障籬幸無塵役倚  
檻數晴絲

又

春色漸昏：那逢日帶曛落花紅一尺新筍綠

三分憶友盟留石尋詩思入雲風光到田舍瘦  
策看耕耘

自遣偶對格

蟻夢功名覺即休駒陰歲月去難留傷今不復  
并三樂擬古猶堪續四愁松下抱琴塵外境雨  
餘蒔藥柳邊洲老來莫問浮生事醉後同為造  
物遊

題順適堂

甫里相望江盡頭得隣而隱了浮休落花流水  
元無礙野鶴孤雲儘自由順裏委心彭澤賦適

時乘興剡溪舟區區世上分蠻觸對客忘言茗  
一甌

曹娥廟

孝本當為事時人或不然娥兮知此理命也委  
之天五日抱屍出千年作史傳英靈猶耿耿有  
慊莫登船

憶弟

支藤來海嶠骨肉海西邊對月成千里舉頭同  
一天更沈寒戍角歌急晚潮船孤鴈商予意聲  
聲落枕前

相逢

相逢疑舊識  
敲火自煎茶  
盛欲為留計  
其如未是家  
東西分地脉  
南北兩天涯  
別後思君處  
空齋識燭花

自感

未險先藜杖  
逢亭便小留  
今番已非昔  
後去可能遊

又

倦聽花卿曲  
狂歌俠士行  
年華與心事  
醉裏自分明

山居

古木環池竹數竿  
踈籬補菊屋三間  
白雲不放紅塵入  
無怪山人懶出山

元夕

一簇蓮燈亦可觀  
隔牆簫鼓二更殘  
平生未識繁華事  
旋借宣和國史看  
下村山中蕪菁少  
土爨古省墓  
隴上松杉手自移  
至今苔蘚半寒枝  
夢中不記重泉隔  
猶學兒童戲綵時

梅

霜月相摩漏二更書牕伴我一枝橫自矜前輩  
持清白妬紫妖紅總後生

生長古林丘擒來鐵繫囚休憐文變豹尚覺氣  
吞牛檻穿終難脫咆哮亦可休山中藜藿少君  
合早為謀

崇道叔慶七十

寄意南豐一瓣香願公耆艾熾而昌曆經七甲  
鬢浮綠帶錫萬釘眉映黃疑是函關逢老子  
然魯國有靈光陰功更說燕山桂留與詩人作

義方

柳禁烟霧風月翠綠眉舞八字

態度脂韋不自持對人無奈小腰肢好於彭澤  
歸來日瘦似章臺別去時隱隱輪蹄端不惡深  
亭榭最相宜流鶯百轉春光老擬折柔條寄  
所思  
放出東風手段寫成江路枝梢君復無聲句法  
要與廣平解嘲

信步

九十日春未老兩三番醉如泥行遍菜畦麥隴  
未饒十里蘇隄

出東嚴子陵祠  
橫足藹三夢御床祇將故舊視君王意嫌漢室  
乾坤小歸占嚴江日月長獨繭絲頭忘寵辱生  
芻廐上閱興亡留題多是功名士也為留題姓  
字香

獨繭絲出列子  
參選有感

元是江湖蕭散客誰將幽夢落南柯十年不調  
幸然好一着終差悟處多官使北山馳鶴信且

隨西舍唱漁歌野人自喜無彈繳却恐金章羨  
綠蓑

春晚

閉戶蠶新浴開簾燕早歸何曾春欲去自是物  
華非

又

胡蝶夢中意杜鵑聲外愁問春三不語柳絮暗

汀洲

詩僧

同住西州一水濱東州勝處始逢君詩成又逐

行雲去後日相思祇看雲

偶成

留得春風趁馬蹄日長無事綠楊隄  
菜花籬落誰家酒緩轡長歌過小溪

西湖

湘桃深處五陵家隄柳陰中百寶車  
多是問桃尋柳去近來山下少梅花

憶友

蕭蕭簷角雨舟中舟年老難于別  
春寒重却愁風牕亂書葉塵壁暗  
燈篝夜半無來鴈披

衣對小樓

次韻

踈牕小博山牕外鳥關：沽得江湖隱  
佐成天地閒簷牙叢篠碧墻隙雨鳩  
斑癡坐不知晚漁篷捲釣還

次賦順適堂韻

萬卷藏書抵萬金脩然軒宇絕塵侵  
順時不作榮枯想適意元無勝負心  
蒲石踈簾真道院栢香淨几小叢林  
四時剩有閒風月醒裏尋題醉

裏吟

東谷 有所思

仰天有所思 心遠目苦短 西風驅殘雲 千里月

華滿

阿育王寺舍利塔

粒粟懸三左角鐘 幾年鎮壓梵王宮 要知八萬

四千所元在尋常一念中 佛現紫金歸勝地 僧

誇烏石墜虛空毫光起 無人見明月堂前玉几

東

舍利八萬四千所 舍利在塔左角金鐘  
內有八殊利勝地 佛紫金身為玉几  
塔行虛空有弟子墜地變為鳥石今猶人  
形明月堂在塔之後 玉几山在塔之

山居

朝踏山根雲暮歸雲中 扉野鳥始驚避今焉情

依：異哉海山鷗猜疑未忘機

順適堂吟藁續集

御天有... 古知... 瓜...

鮑... 堂... 今... 第... 嘉...

... 平... 三... 在... 第... 一... 今... 有... 現... 全... 上...

... 為... 在... 下...

... 山... 湖... 青... 翠... 秀... 野...

... 障... 韻... 山... 不... 與... 春... 潮... 雲... 中... 華... 體... 為... 故... 廣... 雅... 今... 區... 計...





